



Forum Beneficiale, Sive Quæstiones & Responsa Canonica

Materiam De Beneficiis Universam Ex Beneficialistarum tam antiquorum,
quàm recentiorum placitis complectentia. Opus methodo novâ, & clarâ in
tres digestum Partes ... accuratè, ac copiosè instructae

De Vacatione, Amissione, Et Extinctione Beneficiarvm ...

Leuren, Peter

Coloniæ Agrippinæ, 1704

470. An, & qualiter imponi possit pensio beneficiis simplicibus.

[urn:nbn:de:hbz:466:1-74494](#)

tionis pensionis non remanebant illi mille & centum, et si dein augeantur fructus, pensio ab initio invalida non convalescat; cum in hoc casu semper attendatur tempus data, & conditio illa (nempe remanentia centum pro Rector & mille pro Episcopo) sub qua Papa gratiam pensionis concedit, non debeat stare in supervento, nec variari secundum eventus futuros. In ordine tamen ad reducendam pensionem seu diminuendam, attendendum eriam tempus futurum, ita ut si centum & mille illi remanentes pro tempore constituta pensionis, tractu temporis diminutis fructibus non remaneant amplius, ita ut Rector & Episcopus non possint se sustentare amplius congrue, & onera incumbentia cura praestare, et si pensionem nullari non licet, peti tamē possit eam diminui, & ad convenientem quantitatem reduci. Ita in quam docent Garc. p. 1.c. 5.n. 398. juncto n. 399 & 400. quem sequitur Ventr. l.c. n. 47. juncto n. 48. citantes Navar. conf. 13. de rescrip. Tiber. Salust. in pr. Auditor. Camer. l. 3. c. 1. n. 11. Catar de Graff. Caputq. &c. citatq. specialiter Ventr. l.c. pro posteriori potissimum parte hujus doctrinæ Gig. de pen. q. 5. n. 4. & q. 5. 3. n. 5. & Parl. l. 6. q. 2. n. 147. ubi tamen is expresse solum ait, solere apponi clausulam, quod nullari, reduci aut minui nequeat pensio, quæ nisi addatur, decresceribis dein fructibus seu redditibus, pensionem reddendam invalidam, vel saltem reducendam ad minorem sumam.

2. Eatenus tamen in contrarium se sentire putat Castrop. quatenus cit. §. 4. n. 4. tradit, illos centum pro Rectori, & mille pro Episcopo non solum pro tempore gratia & reservationis verificando esse, sed etiam successu temporis firmos remanentes debere; et quod quantitas illa assignata sit in sustentationem parochi & Episcopi; ad hunc autem effectum aquæ necessaria sit quantitas illa successu temporis, ac tempore gratia; adeoq; licet gratia Papæ quodad presentem valorem non dependeat à futuro eventu, sed à presente conditione, cum de presente constare possit, remaneantne 100. pro Rectori & mille pro Episcopo, quod ad durationem & conservationem valoris gratia hæc gratia pendeat ex futuro eventu dicta conditionis, cui annexitur; & sic conditione hac tractu temporis deficiente, pensio non subsistit, saltem pro illa parte sui, nimirum quæ opus est ad supplendum, quod deficit, ex illis centum Rectori, vel ex illis mille Episcopo. Veruntamen re ipsa non multum recedere videtur hucusque à Garcia; cum & is expresse dicat n. 400. eumque sequentes libenter admittant, in casu non remanentia istorum centum peti posse reduci seu minimi pensionem, si ab initio remanebant illi 100. Dixi hucusque non multum recedere Castrop. à Garcia; nam ei, quod postmodum Garcias n. 403. tradit; nimirum, si computatis funeralibus & ingressu remaneat Rectori congrua, non posse cum petere reductionem pensionis, non obstante, quod tempore reservationis debent remanere Rectori centum in fructibus parochialis, ei inquam, directe contrarium assert Castrop. cit. n. 4, nimirum, illos centum, qui deducta pensione & oneribus remanente debent, non esse aliter computandos successu temporis, quam computabantur in principio, adeo que, cum à principio computabantur in fructibus certis beneficii, successu temporis sic quoque & non aliter, seu in aliis incertis computari debent. Item quod Garc. tradit n. 422, nimirum, si pensio ab initio ex consensu resignantis imposita in tanta quantitate, & non aliter, eam simpliciter fore nullam, dum postmodum tractu temporis decrecentibus redditibus, ea præstari non potest integra, remanentibus illis 100. Restorij quod in isto casu pensio sit individua, unde in minori summa deficit consensus resignantis, & consequenter consensus Papæ super illo consensu resignantis fundatus. Secusatum sit, si pensio reservata super beneficio vacante per obitum, vel alijs extra prædictum consensum conditionalem resignantis, nimirum, quod tune clausula illa: modo remaneant 100. Rectori: non operetur nullitatem pensionis, sed solum reductionem illius; hoc primum inquam directe improbat Castrop. l.c. n. 5. eti probet posterius; eo quod ex hac Garcia doctrina sequatur, pensionem integrè solvendam, quamvis successu temporis nec 100. nec congrua remaneat titulari; durum autem sit, titularem obligatum esse, in servire beneficio absque stipendio justo ei à jure assignato. Ac proinde censer ipse, resignationem firmam esse; cum presumendum non sit, velle actum facere inutilem, & consequenter credendum est, velle (intellige, in casu decrecentia reddituum) ut resignatar remaneant ea, quæ illi à jure conceduntur, scilicet 100. Rectori & mille Episcopo, ne alijs haberet voluntatem iniquam & juri contrariam, quod presumendum non est. Ac ita tacite eum velle, ut in casu istius diminutionis fructuum pensio ad minorem, & juri proportionatam quantitatem reducatur. Plura de his in sequentibus, ubi de quantitate & reductione pensionis,

Questio 469. *Virum Abbatis consistorialibus, hoc est, quarum Abbates à Sede Apostolica suarum electionum confirmationem obtinere habent, sive quæ à Papa conferri debent, & in Consistorio à Papa providentur, ut Tamb. de jure Abb. to. i.d. 13. q. n. 4. imponi possit pensio?*

R Epondeo: Eam iis imponi non posse ab Ordinariis, seu auctoritate Ordinariorum; quia id est jurisdictionis episcopalnis, cui præstat Abbatia minimè subjiciuntur. Tamb. l.c. quin tamē illis imponi possit pensio à Papa, nullatenus dubitatur.

Questio 470. *An, & qualiter imponi possit pensio beneficii simplicibus, puta Canonicibus. &c.?*

R Epondeo primo: Beneficio simplici non excedenti 24. ducatos de Camera, non solere imponi pensionem. Azor. p. 2. l. 8. c. 8. q. 7. in fine, citans Mandol. de signat. gratia & just. tit. pensiones. Paris. l. 6. q. 2. n. 27. (qui tamen ait, se tempore Sixti V. vidisse servari contrarium, nimirum beneficio non excedente valorem 24. ducatorum imponi pensionem) Ventr. to. 2. annot. II. §. 1. n. 39. in fine, Castrop. cit. §. 4. n. 2. Idem est de Canonici & dignitate nou excedente valorem centum ducatorum. Paris. n. 28. Castrop. Azor. ll. cit. Ratio horum est, ut inquit Castrop. quia a quinque est hoc reuenum summam relinquere pro alimentis beneficiati.

2. Respondeo secundò: Beneficio simplici, & in specie Canonici & dignitates excedentes hanc sumam, pro parte hujus excessus gravare solet Pontifex pensione. Castrop. Azor. ll. cit. Porro in qua quantitate servari possit in his pensiis, dicetur §. seq. An vero beneficia non excedentia quidem valorem 24. ducatorum, spectatis purè ac propriè fructibus, longè tamen illum excedentia spectatis proventibus quotidianarum distributionium, quæ pro interessatia in choro iis beneficiatis designa-

Qesignata sunt, gravari possint & soleant, dicitur paulo post de constituta pensione in distributionib⁹.

Questio 471. An & qualiter imponi possit pensione praebendis theologalibus?

Respondet Tond. qq. benef. p. 2. c. 1. §. 4. n. 51. negativè, dicens, hanc esse indolem praebenda theologalis, ut nullius pensionis onere gravari possit, ejusdemq; exemptionis privilegio potest praebendas praceptorialis: citat pro hoc Lovet. lit. P. n. 46. subiungit tamen n. 52, quod nihilominus is, qui resignationi consentit, & qui hujusmodi beneficia sub onere pensionis sibi resignata acceptavit, quamvis reclamaret ad pensionis solutionem, condemnatus tamen sit ratione perfidia & dolii.

Questio 472. An imponi possit & soleat pensione super beneficij commendatio?

Respondeo: Posse imponi Abbatiali aliusque beneficij, qua hodiecum de more commendantur, hoc est, in perpetuum; cum illa idem juris habeant, quod beneficia collara. Tamb. de jure Abb. 1. d. 13. q. 7. n. 3. Azor p. 2. l. 8. c. 8. q. 8. Paris. l. 6. q. 2. n. 19. citantes Gamb. de pot. Leg. tit. de pens. n. 154. &c.

Questio 473. An ex causa resignationis imponi possit pensione super beneficium tertio, hoc est, non in beneficio resignato & collato Ioanni, sed in alio beneficio, quod idem Ioannes jam ante habebat?

Respondeo affirmativè; sic Azor l. c. q. 9. ait, usus receptum, ut clericu dimittenti suum beneficium in favorem alterius, reservetur seu constitutatur pensione in alio beneficio, quod resignatarius habebat, nimis si beneficium resignatum nequit onus pensionis sustinere ob tenues suos reditus; tunc enim imponi pensionem vel simpliciter in aliis resignatarii beneficiis, vel simul in beneficio ei resignato, & in alio ab eo jam antè habito.

Questio 474. An imponi possit pensione super fructibus Ecclesie, seu beneficij needum erexit?

Respondeo negativè: Corrad. in pr. benef. l. 2. c. 7. n. 7, cum enim tale beneficium non sit in rerum natura ante erectionem ejus in titulum, per consequens super eo imponi nequit pensione: & sicut Ecclesia non ereta in titulum non potest impetrari, ita etiam nequit ut beneficium gravari pensione; quia hoc esset dare accidentis sine subiecto, quod neq; natura, neque ius admittit. Corrad. l. c. n. 8. & 9. ubi etiam, quod proinde fuerit annullata pensione, etiam si pensionarius esset in quasi possessione exigendi.

Questio 475. Num super fundo unius beneficij imponi possit pensione pro dote alterius beneficij?

Respondet affirmativè. Lott. l. 1. q. 3. n. 17. citans Abb. in c. conquerente. de cleric. non resid. n. 1. Gig. de pens. q. 28. n. 20. Gonz. ad reg. 8. gl. 5. §. 5. n. 42. Ratio est, quia hoc onus reale & perpetuum est, non extingibile cum persona, sed cum ipsa re transmissibile ad quemcunque possessorum seu successorem. Lott. ibid. n. 18. Neque etiam minus talis redditus anni assignati in dotem beneficij, si ex certo fundo debeantur, dicuntur fructus fundales, seu redditus veluti coharentes fundo, cuius propterea naturam fortiuntur, quam dicitur dotalis fundus, seu dotale praedium, quod in dotem datum est mulieri. Lott. loc. cit. n. 15 & 16.

Questio 476. An ex causa resignationis constitui quoque possit pensione super beneficium tertii, v.g. Titio resignanti in favorem Caij, constitui pensione in beneficio Sempronii?

Respondet affirmativè Azor loc. cit. q. 10. dum nimis beneficium resignatum adeo tenue est, ut pensionem ferre nequeat, neque etiam Caij resignatarius aliud beneficium habeat, in quo dicta pensione constitui possit: nihil enim vetare, quod minus id fiat auctoritate Papæ, & hac ratione evitetur omnis species simonia. Idem tenet Paris. l. 6. q. 2. n. 20. & 23. dicens, solere id fieri etiam in resignatione parochialis, dum ejus valor non excedit centum ducatos; quamvis expresse subiungat cit. n. 23. in fine haec verba: pensione autem super beneficium tertii non de facili conceditur ob fraudes, qua fieri possent. Ait etiam Azor, minimè hanc ratione imponi pensionem Cajo dissentiente. Unde infertur, multò magis requirendum illius tertii, nimis Sempronii consensum, utpote qui gravatur non gravato Cajo. Porro talem impostam pensionem super beneficium tertii validam fore, etiam si excedat medietatem fructuum, ait Paris. loc. cit. n. 64. in fine.

Questio 477. An pensione reservata super pluribus beneficij intelligatur reservata in solidum?

Respondeo: Non esse intelligendam reservatam in solidum, sed pro rata. Lott. l. 1. q. 38. n. 20. citans Abb. in c. constitutus. de religios. domib. n. 8. cuius doctrinam secutam ait esse Rotam, ita ut jam, si Papa reservavit pensionem super pluribus beneficij, quibus unum eundemque providit, & dein eo proviso seu titulari mortuo singula illa beneficia gravata singulis personis conferat, pensionarius agere non possit contra unam illarum pro solidâ pensione, ut id posset, & foret in ejus electione retinere solidam pensionem super uno corpore illorum beneficiorum, modò id esset illius capax, si reservinga pensionia facta in solidum. Lott. loc. cit. n. 19. juncto n. 21. Eandem doctrinam tradit Lott. l. 1. q. 39. n. 84. ubi ait, reservata pensione super pluribus beneficij vel principaliter unitis, vel ex dispensatione uniti tantum collatis, si vel sequatur unionis dissolutio, vel pluribus ea contingat conferri, fiet divisio oneris, nempe pensionis pro modo fructuum singulorum, citat pro hoc Mantio. decis. 224. n. 2. & 3. & Rotam decis. 181. n. 3. p. 1. recent. Idem jam ante Lott. docuerat Paris. l. 6. q. 2. n. 64. ex Gamb. de pot. Leg. l. 6. tit. de pens. n. 667. & n. 664. ubi is: quod si duo illa beneficia gravata pensione erant æqualis valoris, æqualiter onus dividiri debet, si inæqualis valoris, divisio facienda pro rata fructuum.

Questio 478. An & qualiter pensione reservetur, & residere dicatur in fructibus?

Respondeo tametsi causa materialis pensionis est certa pecuniarum quantitas, pensione tamen imponitur & imposita dicitur super fructibus & emolumentis, quatenus hi fructus sint in simple oblicatione, non autem in solutione. Lott. l. 1. q. 35. n. 52. usus siquidem Sedis Apostolica non est, reservare pensiones de fructibus, sed de certa pecunia quantitate. Lott. ibid. n. 53. Et licet ex magna causa & intuitu persona alicuius eximia concedatur quandoque gratia reservationis fructuum, vel quora illorum, et tamen non dicitur pensione, sed reservatio fructuum aut quora nuncupatim